

野史

三十四

第九十八卷 武臣列傳
 大内義弘
 第九十九卷 武臣列傳
 山名時義

内閣文庫			
架	冊	號	類
二九	一〇	二四	和書
函			
一六			

和書
 10214 號

内閣文庫	
番號	和 10214
冊數	100(34)
函號	269 36



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak





野史卷九十八



武臣列傳第六

大內義弘

陶晴賢
冷泉隆豐

飯田忠彦 修
男 文彦 訓點
竹中邦香 校

大內義弘。姓多多良氏。其先出自百濟王餘璋。推古天皇十九年。餘璋太子琳聖投化。始繫舟於周防國多多良濱。大內系圖、大系圖、水上山而居大內縣。故後世以多多良爲稱號。琳聖七代正恒。始賜姓多多良臣。大系圖、系圖、皇代紀事正恒八世盛房。壽永中。始號大

內介。列爲武家。系圖。盛房九傳弘世。任周防權介。叙從五位上。正平十三年。伐長門守護厚東義武。併長門石見。構館於山口而居焉。賜崇光院國母陽祿門院。系圖。殘。義弘弘世子也。小字法師。又稱孫太郎。襲周防權介。叙從四位上。任左京權大夫。系圖。文中三年四月。與九州探題今川貞世畧九州。九月。以功授豐前守護。系圖。足利家譜。日。天授元年三月。義弘與貞世。陣于筑前世振山。菊池松浦黨來襲。貞世統下奧山井伊笠原等拒戰死之。南方傳。元中八年十二月。擊山名氏清於二條大宮。敗之。足利家譜。國史。九年

正月。大將軍義滿論諸將功。授和泉紀伊守護於義弘。大和宇多郡於新介弘茂。加賀中典莊於弘正子藤丸。於是義弘併領爲防長石豐泉紀六州守護。系圖。實錄。記傳。二月。攻山名義理于紀州。途拔西山。土丸等城克之。義理走。氏冬遂降。足利家譜。記。九月。義弘適吉野。說近衛少將。未詳。源顯教。北。講南北。朝廷和議事。成。傳。閏十月。神器入京師。皇統歸一。實由義弘之力云。大內家譜。系。應永三年六月。義滿將創相國寺。令列侯分課土木之役。義弘辭曰。吾宗世以弓箭爲業。不能堪土木。實錄。臥雲。四年。菊池貞賴少

貳忠資等叛。千葉。大村等應之。義滿命義弘令征伐之。義弘遣弟滿弘。盛見等擊之。滿弘以兵寡不能勝而死之。五月。義弘發京師。赴擊之。八月。貞賴自盡。九月。與忠資戰于西鄉。三男教祐死之。而忠資降。九州悉平。應永記。足利家譜。記傳。後太平記。

○按大內系圖。後太平記云。是時以有功。補筑前守護。○國史實錄云。應永四年。鎮西亂。道義遣使召義弘。將議九州之事。義弘不入洛。而生反心。與本文異。故附後考。

五年八月。朝鮮使者朴敦之來。義弘接對之。義滿界

書於義弘。慰諭焉。足利家譜。六年十月。先是薙髮號有繫。

日本史。足利家譜。義弘抵界浦。不入京師。十一月。義滿遣青

蓮院坊官伊豫法眼。召義弘。不聽。而聚合所部六州騎兵于界浦。楠正秀率騎兵一百餘。菊池肥前守。土

岐詮直。池田秋政。山名滿氏等黨之。或發兵會于界

浦。記傳。義滿復遣僧絕海招諭。且詰問其故。對曰。我二

十年間。大小二十八戰。滅氏清。運南北和平之策。西

征討菊池少貳。弟伊豫守死節。然幕下不惠死。而賞

不及子孫。且頃聞密命菊池少貳等餘類。將戮臣於

軍旅之間。或謂除泉紀二州守護。為促臣入覲。是所

以懷疑惑。臣既與鎌府約。欲改革幕府稅政。然不可先期獨發。可待鎌府告報。而同日入洛。言畢。起坐而入。絕海反命。義滿忿。使細川滿元。佐佐木高詮。赤松義則。先發。義弘構城築櫓。嚴戒以爲之備。土岐詮直據美濃長森城。山名滿氏起兵于丹波。京極五郎左衛門起兵於近江。以聲援焉。十一月。義滿陣于八幡山下。使畠山基國。斯波義將爲先鋒。四面攻界浦。義弘嘗議軍事。子持盛數諫。至是歎曰。父子之親。豈可絕乎。乃議防禦術。義弘巡視樓壁。嚴戒曰。師衆百萬。雖來圍。不可輒拔也。既而繯志曰。我忘失洪恩。謀不

義。天誅不免。千悔無益。唯死耳。每日張醮。堯爾曰。生涯不久。恣情消日。以竣城之陷矣。十二月二十一日。系圖作二諸軍縱火於四面。闕聲電擊。烈風煽起。城樓悉燬。士卒戰亡。義弘仰歎曰。噫。天亡我乎。自揮眉尖刀。進冒基國陣。與其子滿家戰而死。從軍敗亡。子持盛出而降。餘衆離散。及其曉。火延燒界浦一萬餘屋。足利家譜、實錄、應永記、記傳、花營三代記、常樂記、後太平記時四十六。法名秀山。佛寶。號香積寺。系圖、武家譜、成慶院記一年。義滿欲覽伏見花。抵木幡。天陰雨將降。或謂。問占於義弘。乃召義弘。義弘賦和歌曰。阿女志婆之。久母仁耶須良遍。許波

野
地
卷之八
二

太耶麻布之美能波奈越。由幾天美牟保登。天霽不
 雨。義滿感賞。問其所欲。義弘請賜安藝東西條。日件
 錄。有三子。長持世。次持盛。任左京大夫。永享五年春。
 大友中務少輔叛。大將軍義教使持盛及河野通久
 討之。通久族通直死之。再令小早川又太郎援持盛
 伐焉。記傳、豫四月。持盛戰死于豐前等崎。歲三十七。
 次教祐。稱新藏人。從九州軍而戰。圖、系
 持世。小字安幸丸。又九郎。圖、系應永六年。義弘戰歿。持
 世猶幼。叔父盛見代繼家。遇赦。賜周長豐三州守護。
 任左京大夫。系圖、實錄修理大夫。記傳叙從四位上。系圖應永

一。戰于大田切口。克之。長景連與長連龍。戰于棚木
 不利。至六月。景勝拂陣抵關山。勝家遣人於魚津乞
 和。強而後可。成政進攻羅郭。親章等殺質子而自殺。
軍鑑、東國城陷。既而聞信長凶計。皆棄壁而去。信濃
 大亂。國人真田昌幸。依田信蕃等來降。景勝為之應
 援。因欲併甲斐。信濃。景勝率兵抵野尻。藤田信吉亦
 降。進將入海津城。令上修義春先發。北條氏直帥師
 五萬五千。軍境上抗衡。初海津守將高坂昌貞。與昌
 幸信蕃等來歸。復皆背附氏直。景勝諜知敵情。又探
 得昌幸報昌貞書。乃執昌貞。併其妻孥。殺之。以兼

續爲先鋒。出陣園平川。令村上國清等率一隊。屯筑摩川犀川。令義春守海津城。自陣丸山。二十八日。氏直使昌幸爲前鋒。濟筑摩川。待報。景勝遣人送昌貞首。且請戰。氏直懼不戰而去。東國太平記、逸史河中島四郡悉平。置戍于海津。榎島。長沼。飯山。還師。東國太平記、壤鑑十月。巡視新發田。回師于春日山。天正十一年四月。伐新發田。東國太平記天正十二年九月。羽柴秀吉伐越中。使妙樂寺。越後柏崎、日蓮徒及木村秀俊爲行人。送盟書於景勝。謂曰。成政屢作亂。我將伐之。請勿援。景勝諾。謂秀俊曰。去年爲成政所陷。魚津。死難者多。我嘗欲滅

疾卒師于興居島。系圖、皇代紀事、實錄、大內系譜詔贈從二位。諡號

雜記嘗學和歌於師成親王。李花集二子。長政弘。次弘源。出雲守。系圖

政弘。小字太郎。襲大內介四州守護。應仁元年。黨山名宗全。七月。率師歷海路東上。達攝州大物浦。秋庭元明。赤松政則與攝人河人七千餘兵。據芥川城。邀戰于烏井野。元明敗走。河野某爲後隊。政則擊之。政弘班師夾擊之。政則軍潰而走。政弘追尾。八月。終入京師。宗全軍威大振。宗全悅曰。得此衆則獲勝元。在隻手裏。足利家譜、實錄、後太平記、南海治亂記文明元年三月。足利義

野史
卷之八
六

視如宗全第。賞政弘功。任左京大夫。治亂記、皇代紀
 十一月。政弘築城於狛野。政弘嗜和歌。一本大譜、智兼
 勇。撫民恩惠。邊境懷服。實錄十二月。少貳教賴起于對
 馬。政弘留後仁保弘直。挾政弘從弟教幸入道南榮
 應之。以援勝元。政弘家族陶弘護與南榮戰于玖珂
 鞍掛山。益田信兼。三隅政通。相弘護共擊敗之。南榮
 奔長門。復與豐人長野義信。原田良直。千手冬通。據
 馬嶽。二年。政弘歸國。雖糾間仁保弘直罪。其謀計為
 國家而無私。外有罪。內無咎。故一國平治。而舉兵入
 筑前。教賴敗亡。而與大友政親戰于馬嶽。政親戰死。

南榮等亦皆戰潰。南榮暨二男弘直死之。城陷。嘉賴
 懼而走對馬。足利家譜、太平記十二年。列相伴衆。足利家譜長享
 元年十二月。叙從四位上。歷名土代、一本系譜明應四年九月。
 卒。系圖、皇代紀、實錄、成慶院記法名真翁。真正號法泉寺。系圖、皇
 代紀、成慶院記、贈從三位。系圖、皇代紀有六男子。長義正。稱大
 內介。次義興。次種弘。左衛門尉。次輝弘。本名高弘。入
 氷上山剃髮。為大護院別當。系圖、溫故私記後還俗。稱氷上
 太郎。僅食氷上邑。與義隆有卻。出亡。更稱太郎左衛
 門。適京師。歎請大將軍義輝。義輝授諱字。稱今名。私記
 辨豐後。大友宗麟善待之。妻以女。及立花之役起。嗾

輝弘如周防作亂。元龜元年九月。率兵七千航海。十月。到秋穗白松。將入山口。議曰。直進斫元就門司營矣。僉曰。先入山口。而斷藝長之路。蒞而戰可矣。乃進兵。毛利氏士井上就貞屯山口。聞輝弘到。迎戰于關根嶺。就貞拒戰而死。輝弘遂入山口。陣于築山龍福寺。召募近郡土寇。煽起應之。然輝弘庸愚。鉅豪大族。感戴毛利氏。而不肯通謀。輝弘危懼。不敢前。或侵畧市巷。掠奪材木。構柵浚塹。以嚴守備。吉見正賴。士伊藤實信。督兵將伐輝弘。途與其部下城井小二郎。遇于仁保枚坂。戰而死。毛利氏士桂元重。渡邊元與。輝

弘戰于後磧。元就使吉川元春徑前討輝弘。輝弘兵聞之怖而潰。士卒離散。不能保築山。僅與數百騎南走。秋穗三田尻所繫兵船。皆望風逃脫。至浮野。將入富田龍門寺。當是時。元春前鋒既逼。後會杉元家率兵在椿嶺。進退窮谷。士卒遁走。於是據茶白山。遣人於元春陣。請致死以救士卒。元春聽之。輝弘遂自殺。
土寇羽散。系圖、實錄、元就軍記、次梵良、次尊光。並為僧。系圖、
義興。小字龜童九。襲大內介。任左京大夫。系圖、武明
應二年。大將軍義植來奔。倚賴義興。是時義興繼箕

卷之八十八
八

裘併周長豐筑藝石六州。威令遠及諸道。而崇奉甚謹。義植意稍安之。系圖、足利家譜、逸史。文龜元年八月。大將軍義澄聞義興翼戴義植。傳令於大友等西海諸州將士。令擊之。遣僧泰甫帶綸旨教書。及管領細川政元狀。諭起兵。雖然西土侯伯畏憚義興。不敢應命。實錄。永正三年。少貳教賴筑紫資房。麻生元貞等起兵於九州。三月。義興先隊陶興明入道道麒等陣于勝野山。接戰不利。義興親自帥師擊敗之。前攻高祖城。青景政則伐少貳資政克之。後太平記。五年正月。義興大舉奉前將軍義植東上。山陰。山陽。西海三道侯伯多從。

之。四月。軍艦數百達界浦。管領細川澄元。及斯波義廉。赤松義村。畠山義豐等諸將。捍禦之於攝津。聞師大至。不戰而潰。澄元與三好長輝奔阿波。義澄奔近江。義植以六月入京師。七月復職。策命如儀。義興始補管領。系圖、足利家譜、實錄、陰德太平記、後太平記、逸史。
○鎌倉大草紙載。上杉憲實行脚抵周防國。義興多年雖望為管領。以無故例弗果。偶憲實到。義興大悅。請為其子。繼其後。且讓與篠丸舞雀章。仰憲實以為父。而後入京師。補管領云。猶當考。
八月。叙從四位下。尋陞從四位上。歷名。十二月。義興

先鋒杉興政與三好氏兵戰于七條。豫人重見重親擊敗之。三好長光長則入智恩寺自殺。後太平記七年正月。佐佐木氏猶不服武命。義興率兵頓于大津。戰于東坂本。無利。再率讚人寒川元家等。出師于湖東。二月。攻畧山門。不利而旋師。治亂記八年八月。細川澄元遣其族政賢率兵入攝州。義興出兵邀擊不利。政賢進寇京師。十六日。義興奉義植避之丹波。當是時。防州山口正山寺小僧在京師東福寺勤學。傳聞義興逃在丹波。深憂之。日往船岡邊乞託鉢。探搜守備虛實。二十一日。赴到丹波。具狀告義興。義興大悅。二十

四日。班師于嵯峨。鄉導設戰備。義興問野上正忠曰。此軍有必勝之術矣否。對曰。有。夫軍者以死為必勝。義興曰。善。乃自斷表帶。忍緒及幌手。以深野興房為先驅。襲敵不意。奮擊大破之。獲敵將政賢。餘兵潰亂。義植陣于高雄。而九月朔。義植入京師妙本寺。修三條第以徙焉。足利家譜、實錄、陰德太平記、評判、逸史義興諭小僧還俗。小僧固辭曰。愚禿為邦君破戒矣。何面目可見。衆哉。出奔。小僧者俗姓林氏。義興家人子也。云。義興嘗好勇義。存仁愛。尊敬王法。崇信神佛。重君臣之道。治亂記為政一紀。威令頗行。逸史是歲。義興遣東福寺僧

桂悟於明。強請勘合。系圖、實錄、異稱、日本傳九年春。義興遣寒

川元家。及三島軍船赴西蕃。洋中到一離島。交賈得

利。屢張兵威於西洋。異船遇我船于洋中。則畏怖。我

船悉書入幡宮文字。為舟標。夷人稱曰八幡舟。治亂記

三月。義植奏請陞義興從三位。系圖、足利家譜、公卿補任、山門法名、豪宣

大內十五年八月。辭職歸國。補任、實錄、先是尼子經家記

久蠶食備伯地。侵掠義興領國。故就國討之。接兵連

年不決。陰德太平記、溫故私記、逸史十六年秋。少貳政資起兵於

筑前。義興帥師二萬。次赤馬關。陶二郎。杉興政。信行。

弘相。內藤興春。弘中。下野守。鷲頭高綱。神代紀伊守。

率周長藝石兵士屬之。杉興政為之前鋒。進入筑前

鞍手郡勝野。少貳先隊筑紫滿門。麻生與二郎等。率

兵三千餘相戰。興政奮鬪死之。明日。義興進師于花

尾城。分兵攻伐。入御笠郡。政資力不足。父子四人遂

戰。死于大宰府。有智山古城。義興抵博多。凱旋。遣杉

信濃守於豐前。攻目馬嶽。大友氏兵士拒戰。信濃死

之。大友義鑑帥師二萬六千餘。禦戰于目馬嶽。義興

進師接戰。獲豐兵一千三百餘。義鑑敗走。於是豐筑

二州來服。能島兵部大夫。村上三郎左衛門。及香川

元光。香西元定。寒川元家。安富元長等騎兵五千餘。

到門司赤馬關。河野宇都宮自豫州水碓進。大友氏勢屈。乞和約婚。治亂記。

○野史氏今按後太平記。先是永正三年春。義興率師伐少貳政。資於筑前克之。今年復與政賢戰。有所疑。姑載兩回之戰。以備後考。

初父政弘發舟師。侵朝鮮。朝鮮王懼而乞和。納全羅道貢賦於大內氏。是歲。義興遣兵巡察全羅道邊境。以視武。是秋。義興調軍資。將入京師。先鋒既達界浦。會義興疾病不果。治亂記。大永元年。義植諭義興。與尼子經久行成。陰德太平記。逸史。二年六月。義興帥師數萬發。

入藝州。拔數城。而築西條鏡山城。使藏田真信督之。而班師。溫故私記。三年。細川高國遣宋素卿於明。義興又以僧宗設為使者。兼道先素卿到寧波府。爭先後。素卿賄府吏而先謁。因是諍論而罷市舶。足利家譜。四年五月。義興暨適子義隆發師。陣于岩國永興寺。分隊為二部。親督一隊。攻草葦仁保島城。拔之。尋圍櫻尾城。一軍攻武田光和於金山城。七月。尼子經久發兵。為之後援。毛利元就應之。乘風雨大掩擊。陶杉等前鋒敗之。諸部為之潰亂。陶道麒懼後患。勸義隆而拂金山陣。義興怒敗軍。急襲櫻尾城。道麒羞前敗。先發逼

壁。縱火於嚴島。神主佐伯興藤宅。屢有恠異。義興猶不撓。會聞龍造寺隆信侵掠筑前。班師毛利家私記。五年三月。義興率師抵筑前。與隆信戰。從四月迄十月。克之都六回。遂收其質而凱旋。實錄私記。六年三月。義興與義隆帥師入石見。收尼子氏屬城六處。而次濱田。經久又邀戰數回。羸輸相互。殺傷相當。會經久聞山名但馬守侵伯州。通使於義興。而班軍。義興將進入出雲。偶有風疾。七年春。凱旋于山口。實錄私記。享祿元年十二月薨。歲五十二。系圖私記。法名傑叟。義秀。號凌雲院。系圖皇代紀事成慶院記。武家譜。有二子長義隆。次弘

興。九郎二郎。系圖

義隆。以永正四年生。系圖補任。小字龜童丸。系圖。叙從五位下。任左京大夫。補任。享祿二年十二月。陞從五位上。補任。天文元年正月。星野親忠畔于筑後里城。義隆帥師與島津。大友。菊池。少貳。千葉。族。俱與攻之。迨明年夏。義隆諭親忠降之。親忠乃去。肥陽軍記。是歲十月。叙正五位下。任周防介。補任。十一月。義隆使陶道麒發兵于九州。討龍造寺氏。克之。實錄。二年。少貳資元據立花城。舉兵。肥筑爲之亂。大宰府目代杉興連告急。義隆驚。親自督師。次于長府。遣道麒及杉仁保等爲



前鋒伐之。資元走多久城。仁保某與原田相議。擊松浦。松浦黨服從焉。千葉嘉胤以小城來歸。十二月。道麒旋軍于筑前。攻武藏城。筑紫惟門以山浦城降。宗筑後守棄壁而走。新少貳冬尙等猶保在數城。道麒進兵於東肥。越年在陣。三年正月。道麒進攻朝日山及綾部城。拔之。而進軍於御津山。而圍城原勢福寺城。是時國中過半屬大內氏。迄七月。道麒誇勇守備頗緩怠。遂爲龍造寺家兼所破。而入園部城。肥陽軍記。四月。叙從四位下。補任。義隆聞道麒失兵而忿。是歲十月。親自率師濟九州。陶杉仁保相良爲先鋒入筑前。

攻城原城。累日。冬尙力竭。奔蓮池城。城主小田入道覺派存舊誼。迎入牙城。守備嚴戒。國人犬塚尙茂尙家。本吉增景等加焉。師攻之。長江廻城。一能當千。不拔。義隆遣西肥人波田隱岐守於水江。謂家兼曰。我奉幕府之命。鎮平西陲。少貳獨恣兵威。國家之亂。更莫寧期。足下與少貳氏有舊。且爲國耆老。宜諭少貳從武命。令戢干戈也。冬尙如服。則我爲執復采地矣。家兼意憫。少貳氏之不祀。赴蓮池慰諭。冬尙冬尙應諾。義隆班師。肥陽軍記。四年二月。道麒伐少貳遺類而歸。當是時。義隆聲價彌重。義隆襲周長豐筑石藝備七

州守護。每軍有旅。道麒麟。執麾統衆。專任外事。日夜勤勞。至是併得少貳氏食邑。義隆以爲自足。頗緩武事。置酒醺。好吟詩詠歌。又嗜茶。明國勘合印鑰嘗以傳來。每歲遣商船於明。貯聚珍器。茶寮玩具在京師界津者。以大價沽求之。嬖臣相良武任寵遇日渥。莫言不聽。族人宿臣爲之側目。或有諫諍者。弗聽。實錄。五年二月。義隆奏請辨。後柏原天皇即位之資用。五月。詔補太宰府大貳。聽昇殿。補任。土代。或作三月。

○皇代紀事載。詔家准華族。賜菊桐章及屋形號。他未有所見。故不取。姑附以竝考。

十二月。任左兵衛佐。補任。土代。六年正月。叙從四位上。七年二月。義隆寄書朝鮮國禮曹參。請大藏經曰。恭聞殿下。德兼三代。惠懷萬方。君道有仁。臣道有忠。國富化旺。文官以才。武官以勇。境靜民安。王政之盛。莫過於今。聖治之興。何愧于古。抑吾弊邦之內。有州曰安藝。其祠號嚴島。安辨財多。聞兩天爲祠主。而年代深遠也。夫大藏經者。載道之器。而包含萬象。萬理矣。運轉之則全天地。覆載。繞旋之則保國家安泰。加之古人以孔子比釋氏。以十哲比十大弟子。然則儒釋一致。不可外焉。繇是吾扶桑之神社佛宇。無大與小。以

安置此經爲善道也。當社亦往昔雖寄置之。或有蠹
蟲破費。或有雀鼠耗。有蒸潤者。有殘斷者。一函又不
敢全。仍不克補完。糊綴者年既久矣。仰冀殿下頒賜
大藏全文一藏。付回使。則以爲億兆無疆之賜。專祝
聖壽萬歲。更祈社稷千秋。聊獻菲薄之土宜。具于別
幅。備天覽電囑萬幸。伏乞采納。溫風發榮。若時珍重。
不宜。外國書翰三月。任兵部權大輔。補任十月。義隆再乞
朱註五經書。及刻漏之器。曰。頃年海舶往來。兩國疏
幣交委。無任感幸之至。伏承殿下仁風溥暢。德澤益
深。僕竊眷小邦。雖愧齊魯有青鳥之喻。通信上國。何

異。晉鄭尋白鷗之盟。今復遣專使。正覲首座。伏悉下
愚。以祝聖壽無疆。蓋先日之謹奉表文。叨諭懇示。以
故所辱惠賜。寵物數事。五經大全一部。併佛廬僧房
榜額之手迹等。許坐受領。然愚陋僻蠢。至今無階荅
謝。惟積慙惶。切希恕宥。抑亦如朱子新經五經。上古
弊邦諸儒蓄之者。家家汗牛。戶戶充棟。而近世一秦
殆成坑灰。其僅存者。散亂毀裂。十亾四五。僕爲書生
學官。病之甚至。伏乞憐察。又如刻漏制度之器。傳記
所載。設其圖昭著。而說所刻之法亦詳焉。雖然東人
頑疎。徒解觀圖。不解製器。況其法乎。是以無辨晝夜

漏分。不奈之何。苟自非就上國求得漏器。然後刻之。安能使人解日午打三更之惑哉。伏望所謂新註經各全部。及漏匱漏壺。烏箭盆等器。一無遺失。更垂賜與。儻獲受領。厚貺何加。永傳無窮。以爲國寶焉。此非仁風德澤及率濱。以沿其憐也耶。小春初雪。若時保愛。慕齋文集、大內物語、藝海涉筆、實錄、歷代記、○文章從外國書翰、八年正月。叙正四位下。補任、七月。明商舶入周防。齋朝鮮國禮曹參判任權復書曰。承書憑審矣。雅履裕勝。欣慰深殊。所獻禮物。足見誠款。歡啓收了。前送五經暨寺額。因蒙遠索。聊申綏好之禮。何用煩謝。念此諸經皆具傳註。

苟能講窮。足以闢道義。出治化。無以加矣。而足下猶慊然於心。復勤遠价。更求朱子新註五經。可見足下向道之切。慕學之篤。不覺敬歎。儻有焉。豈敢愛惜。今天下所向而習學者。皆程傳易。胡傳春秋。蔡傳書。朱傳詩。陳註禮記。本國教學所尙。又不外此。別無朱氏新註。故前者曾以本國所存者奉送。今承再索。美意不可虛負。唯念五經之中。詩書尤切於講習。今各添送壹件。以爲好學之助。更漏之器。又係鈞天授時之具。有土者之所不可闕。足下又以爲請。益見雅尙之得其要矣。貴邦之人。必有通於候曆之術者。其制象

之器。應亦致精矣。今所求蓋欲參校晷刻。益窮其精耳。其意不亦嘉哉。本國漏器。規制不一。取其中簡易能致遠者壹具。及將土宜白紬綿布參匹。白紬苧布參匹。黑紬麻布參匹。并附回使。惟希領納。餘冀益加珍重。不宜。外國書翰。義隆厚饗舶主。日夜醺飲。言語進退。皆倣明人。所求得弗妙。其最所珍。有鐘鳴聲。自應十二時云。實錄。九年三月。兼伊豫介。補任。是冬。尼子晴久發師攻毛利元就於吉田城。義隆令陶晴賢赴援焉。毛利家譜。逸史。十年正月。晴久敗績。而後備藝石三州國人通信於義隆。請曰。若有事則得為前鋒。陰德太平記。

義隆將起師。杉重規諫曰。夫雲石之地。海道嶮難。深雪埋路。不可涉也。河流漂沒。運糧不便。請俟初夏雪消之期而發。義隆可之。三月。義隆發師。陶晴賢。吉見興賴等為先鋒。陣于藤掛七尾。義隆次于大野門山。友田興藤。及子廣就在櫻尾城。不懼大軍。嚴戒守備。晴賢等圍攻踰月。遂拔之。興藤縱火自殺。廣就遁走。五日市城。弘中下野守進兵薄壁。令人刺廣就。城陷。毛利家覺書。八月。義隆嘗招致文臣學風雅。權大納言藤原資宣。權大納言藤原兼秀。以有職。權中納言藤原基雅。以詠曲。冷泉入道紹惠。以衣冠。大外記清原良

雄以官務。小槻伊治以儒。前關白藤原尹房。內大臣藤原公賴。權大納言藤原雅綱。從二位藤原親世。以和歌。春觀花於清水。秋賞紅葉於法泉寺。或蒐螢於石川。詠雪於冰上山。歌鞠管絃。四時逍遙。無不窮盡。發太平記。十二月。陞從三位。補任實錄。十一年三月。義隆聞毛利元就。三吉式部少輔入石州。擊高橋某。滅之而悅。自督師。出次于布野。四月。攻赤穴城。縱火而拔之。將入雲州。會備人通尼子氏。而侵周防也。五月。班師于山口。覺書。溫故私記。實錄。安西軍策。十二年正月。義隆大舉伐尼子氏。陣于穴戶宇禰山地。將移營於經羅木山。毛利元

就諫曰。暫停營於二三里之外。窺彼舉動而後進。亦不為緩矣。彼今雖怯地戰。而故家也。我雖師多客戰。恐其有過矣。嬖人田子兵庫頭勸義隆強戰。遂徙陣于經羅木山。三月。先隊內藤興盛前侵伐菅谷口。與敵將牛尾信連等戰。興盛部下勝間田盛保獲信連首級。是此陣之酋首也。四月。義隆發中軍。攻尼子氏。城固不撓。歷日師屈。晴久密遣人斷糧路。要險隘。遮來往。於是三軍糧竭。困窮日臻。嘗所通國人。忽叛而屬敵。山名氏政先發馳入富田城。三澤為虎。三刀屋久扶等相繼而去。諸部為之蕩搖騷擾。然猶傳令。整

旅布隊。令士卒接戰。未及一旬。而諸部糧盡。五月。義隆經熊野口。自陸退。適子義房自海路。冷泉隆豐迎之於杉浦。當是時。諸軍潰亂。不遑艤艦。眾蟻附舷。端不能浮海。揮櫓械擊拊。領手將航。義房所御船。忽覆沒。士眾沈溺者多。義隆僅免。歷于白瀉。而入山口。大內物語、毛利舊記、實錄、私記、安西軍策、十三年正月。兼侍從。補任、四年。進正三位。補任、頃間文學盛行。詩歌流俗。武備益懈。義隆居常謂以聖賢之道。平治國家。文道最重。武事次焉。故其所愛翫者。文筆為主。或信浮屠。又嗜茶鞠。雖勤役之士。棄武弄文。賦歌讀經。或配當諸士第宅。其主五

性方。五性以供相生之第宅。轉遷移居。人心不定。老臣陶晴賢憂之。屢諫弗聽。鍾愛輕薄佞媚。嬖宰相良武任間言譖晴賢。晴賢密謀異圖。元就或諫。義隆曰。自古篡國者。在其老宰。故明君能撫綏將士。使臣無不得專任。如過之則。君之所賜。悉歸老宰。恩惠一依老宰。權勢強大。或有通志者。他日難奈之何。老宰自初非有恣意。君暗則黜陟賞罰。悉出私慮。更至不憚敬。即今之風酷爲危。請親自顧。能察識下情。雖細務君自勤之。以定家國長榮之策。義隆弗納。實錄、私記、碎玉話、十五年春。義隆親講大學序。使權大納言藤原資之。

藤原基親。官醫竹田定桂。更日設會。巡講經書。令小
櫬伊治。清原賴賢質其疑義。先是義隆聞賴賢祖父
環翠軒宣賢家藏四書五經諺解。而贈錢五萬匹。借
寫之。以爲講說之助。亦好和歌。就資定舉件件。問內
大臣藤原實隆。筆書號官位不審問答。復請益。實隆
詳應。是號多多良問答。實錄大內物語。或令僧師鍊三重韻
書其跋。又彫刻聚文韻畧。潛溪集。出大內局。藝海沙
茶話。十六年二月。義隆遣使船于明。足家譜。三月。任治部
卿。補任。十七年。進從二位。實錄。遷兵部卿。補任。十九年
八月。義隆隨舊儀。欲詣今八幡祠。晴賢等結黨相盟。

窺其隙。將伐。嬖臣相良武任。義隆驚疑。遣人詰。晴賢
陳謝。武任彌構。讒曰。渠以討臣爲名。實謀國家也。義
隆益疏斥晴賢。十月。晴賢請義隆曰。願致仕。參禪以
終身。義隆許諾。晴賢歸。休富田若山城。竊通大友宗
麟。謀不軌。密窺間隙。羣嬖相謂曰。晴賢畏怖而墊居
矣。義隆實之。不設武備。益耽佚樂。彌緩守備。二十年
五月。義隆聞晴賢狹異圖。請援於大友宗麟。宗麟以
與晴賢有盟約。不果。八月。義隆享大將軍義輝使者。
暨大友氏使者於山口。二十八日。府下騷擾。義隆召
兵不到。冷泉隆豐等僅護衛。統下聚者六千餘。義隆

嗟嘆曰。家運竭矣。棄築山館。而據法泉寺。士卒遁。至是從者一千餘人。縉紳家寓居者。或晦跡離散。陶晴賢及杉重政。內藤興盛等。迫圍之。縱火築山館舍。殿第及市巷民屋皆灰燼。燄烟蔽天。賊勢益熾。士卒死傷者多。清隆保佐波隆連。都賀安通等皆死焉。莫拒戰者。義隆及子義尊。潛逃長州瀬戶碕。航海將遁。浮船二里餘。暴風俄起。波浪奮漲。纒入深川大寧寺。前關白准三后藤原尹房。二條其子左近衛中將良豐。權大納言藤原公賴。轉法輪權大納言藤原基雅。持明院冷泉入道宗紹。刑部大輔氏久。未詳其氏等咸從。家士冷

泉隆豐。天野隆良。岡部景隆。黑川隆像。石田隆次。小幡義實。大官司右延等殉焉。

○按宗像軍記載。大官司氏男與香月隆光。義隆滅亾之次日。殉死云。

九月朔。賊徒追到。四圍大寧寺。義隆使從士防禦。而入經堂。受戒於僧異雪。嚙指書經文裏曰。宇津比登母。宇多流留比登毛。毛呂東母仁。如露又如電。應作如是觀。而自裁。歲四十五。所從悉殲。大內系圖。皇代紀事。實錄。私記。

太平記。○公卿補任。足利家譜。物語。或作二日云。

○大友興廢記作陸奥守元就從大內持國。率大

軍襲山口。義隆奔大寧寺。以九月朔。云誤謬甚矣。故今附明焉。

義隆法名瑞雲珠天。號龍福寺。系圖大內系子義房

義尊。義房實權大納言藤原房家。土佐一條次男。義隆養

為子。叙正五位下。任左兵衛佐。兼周防權介。遷左衛

門佐。系圖歷名土代。天文十二年五月。從義隆于雲

州。軍敗而溺死。系圖系譜土代。太平記。義尊叙爵。任周防介。系

代。從父于深川大寧寺所害。系圖土代。太平記。

陶晴賢。本名隆房。其先與大內氏同族。以多多良為

姓。大內介盛房弟盛長曾孫弘賢。為修理大夫。族稱

陶。父興明。按系圖作興房。尾張守入道號道麒。世為大內氏

族臣。長子曰義清。字五郎。為人敏悟清徹。美姿儀。少

近侍義隆。義隆親愛之。起臥與焉。義清省父於家。密

說義隆之不君。言語頗悖禮。道麒不敢自安。俾人殺

之。系圖國朝時歲十五。系圖次乃晴賢。任中務權大輔。

兼尾張守。叙從五位上。系圖土代。天文十九年八月。陰謀

殺嬖臣相良武任。其實頃年義隆棄武弄文。專寵便

佞。舉嬖倖。預聞國事。晴賢及杉重政。內藤興盛等宿

臣皆不悅。竊懷異圖。佞幸亦屢譖間。義隆益疏斥晴

賢等。於是人或告晴賢謀逆。義隆恚遣人檢之。晴賢

陳謝。且請歸休。我采邑。義隆許可。十一月。還富田若山城。益逞異謀。馳入於豐後。謂大友宗麟曰。臣爲義隆所疏斥。寇將至。故密與同志謀廢立。如事熟則奉貴族一人。以保社稷。臣等勦力翼戴。請願假我援兵。宗麟喜而許諾。大內物語、實錄。二十年四月。山口騷擾。晴賢彌謀弑逆。家人深野康澄。宮川房勝謀曰。我先君道麒。殺適子而保社稷。舉州感歎。忠誠無倫。今君爲其嗣。起兵弑逆。不忠不孝之極。那得免天誅乎。諫諍錄、實錄。切冀罷議。晴賢曰。事已至茲。黨與亦衆。欲止不能。汝等尙輔予以樹軍功。二人反覆諫爭。晴賢卒不聽。二

人俱不去。坐而自殺。室町殿日記。八月。晴賢與杉重政內藤興盛等。遂起兵入山口。逐義隆。圍之於法泉寺。縱火燒武任等第宅。遂弑義隆于大寧寺。大內物語、實錄、元就軍記。太平遣人於豐後。請宗麟弟義長。爲大內氏後。宗麟危疑曰。晴賢行弑。山口旣灰燼。無所據城居。猶有元就在。彼奚不伐逆徒之爲矣。晴賢力不能與元就抗衡。一戰則必敗矣。義長強請曰。今不應彼請。則人或謂懼元就而拒之。與元就戰而死。則爲骸土。美目也。廼稱大內入郎。大友與廢記。晴賢奉之爲大內氏家督。自擅國政。足利家譜、逸史。尋晴賢遣杉行並。江良興經於京師。

依三好長慶曰。義隆棄武備。修佛道。廢家職。要絃歌。國家政務逆。而四民畔離。且撫愛佞媚。悖戾無道。晴賢等不堪見。國家傾覆。屢盡諫諍。不庸。故弑伐義隆。及讒臣。庶幾赦晴賢罪。致忠於王室。事聞。朝廷惡晴賢罪。將誅戮使者。二人密聞。夜走歸國。殘太平記。二十一年正月。晴賢殺杉重政。初重政與青景隆時。俱憎相良武任。然其力不能爭抗。故間之於晴賢。晴賢作逆。二人戮力扶翼。及義隆亾也。頗悟二人所間。陳謝之。佯為悔。弑殺歸科於二人。隆時病而先死。至是遣兵討重政。重政不戰而自滅。實錄。相良武任據花

尾城。通毛利元就。吉見正賴。議廻討逆計策。晴賢聞之。謂衆曰。如武任為我怨敵也。先天文十八年歲且。因多多良氏佳例。我父子列在義隆左右。座食饗膳。祖先以來以為永式。然武任為官仕進。次曰。君臣之禮不可犯也。更裂饗膳腳以分焉。我父子酷失面目。謂何為傳之於後代矣哉。乃去歸若山城。大儀且猶此。況於諸事乎。不可不顯戮也。至是遣野上隆忠兵五千于筑前。攻花尾城。武任支戰勢竭。一日出壁而戰。筑前國人麻生千手。秋月從後門入縱火。武任術盡。悉刺妻子。自割腹而死。城陷。殘太平記。又分兵擊少貳

氏及杉興連等于豐筑二州。陰德太平記而遣弟隆信。杉隆相。飯田興秀。按殘太平記不載隆相與秀而作宮川興房於豐後。邀義長。大友宗麟使其人橋爪河內守吉弘右衛門大夫輔之。是春三月。義長到多多良濱而入山口築山館。晴賢迎之。立爲主。雖然內外大小諸事。皆決晴賢。自剃髮號卓錫軒全薑。令子長房及內藤隆世。陽督諸事。以犬追物或散樂。悅義長耳目。軍國機務。任意縱橫。實錄江鑑。二十二年閏正月。義長叙從五位下。任左京大夫。歷名土代一本多多良系圖陰德太平記。二十三年四月。吉見正賴揭旗于石州。義長暨全薑率兵伐之。而聞元就

起兵。與正賴行成而歸。實錄軍策私記。九月。令宮川興房等率兵。與元就戰于折敷畑。軍敗。興房等死之。元就軍記。全薑軍議。令天野慶菴爲反間。授策曰。我聞元就克折敷畑之戰。乘機而將來侵。汝等所逐。誘渠於死地。我策成矣。慶菴逃走如吉田。告以冤所逐。元就召見曰。我久絕周之音問。可得聞乎。對曰。折敷畑之敗。全薑失勢。將士衰弊。雖然猶陽視其強。頃聞出師乎岩國橫山。公如赴擊。殲之必矣。元就謝曰。我亦雖欲之。先江良房榮來送款。且投盟書。故約以周防一州許之。俟彼報而發。然頃絕信。唯恐謀漏矣乎。乃以其載

書示焉。慶菴驚怖。元就亦曰。汝如岩國。爲我誘全薑。親作書與之曰。如事成者。恩賞任所請。全薑如濟嚴島。斷海路。我軍窮矣。汝戮力莫使全薑渡海。慶菴乃扑躍而去。具狀告全薑。全薑甚悅。謂穢毛利氏。會江良房榮報曰。嘗聞元就起自小邑。既有昇天之勢。武勇兼族。後必大起。不如弭敵討之議。通信與謀治國。則是萬全之術矣。全薑危懼。遣弘中隆包適岩國。誘殺房榮。私記弘治元年秋。全薑議大舉伐毛利氏。元就度衆寡不敵。築城於嚴島。遣人颺言曰。元就違衆言。城嚴島置戍。生涯之大謬也。慚悔將廢。又恥露過謬。

不果。陶氏必發師攻之。不能援。於今殆失謀。全薑傳聞。建議曰。與元就接戰。每不利者。無他。元就以得陸戰之妙矣。今從海南廻兵擊之。必得克。衆皆同之。會元就臣桂元澄使人來謂曰。某對元就有宿憾。以兵微。故弗果。庶幾賴義長之威。兼全薑之武。達宿懷。元就嘗憂悶。全薑渡海斷舟路。日夜無思。是故師如涉嚴島。則元就必赴救。某乘其隙。襲吉田。得利必矣。載盟書以送焉。全薑大悅。許可。令三浦房清巡視海島。十月。將航海。弘中隆包諫曰。不可也。夫元就之軍慮。不可測知。抑嚴島守備粗漏。往年已斐。新里據之以

誘我。今大軍濟狹少難地。元就以利銳來決勝。如今乘彼反間之策。率大軍渡海路。我敗猶指掌矣。抑止再三。全薑以為隆包怯臆。不聽。遂擇兵數萬濟海。頓於塔岡。碁布列陣。連艦設備。殞兵士攻圍城數重。銃矢日迫。壁將陷。十一月朔。元就率奇兵三千。迅至。掩不意。攻塔岡陣。諸部躁走。全薑勵聲曰。我在此何其。惟弱。元就寡單。勿敢騷擾。衆舉周章。為不聞者。而遁去。全薑聲。無還戰者。士卒離散。爭先移舟。衆多覆溺。弘中隆包與吉川元春相擊。勢敗而犇入山路。全薑未退。聚餘兵將戰死。三浦房清曰。請君疾去而謀。

再舉。全薑走。小早川隆景逐及之。羽仁越前守為拒之。率羣卒與隆景相擊。元春來援隆景。越前兄弟死之。大和興武就擄。三浦房清。弘中隆包等皆戰死。全薑逃到青海苔濱。欲浮海而去。軍艦一不在此。追軍將及。全薑歎曰。噫。我命盡矣。自殺。有士三人。猶從。以紫染衣。裹其首。藏之幽谷。二士交刃而殉之。伊香賀某獨謂我常侍左右。如死于此。則為敵所獲矣。乃去二三町許。出海濱而自殺。既而元就家士兒玉某索三士首。尚搜全薑而未得。會全薑主履童。賺問獲全薑首。闔軍殲焉。實錄、元就軍記、安西軍記、陰德太平記。元就遺首於

洞雲寺殮葬。爲修佛事。實錄全薑初帥師六萬渡海。其死傷者四千七百八十餘人云。全薑婦人號某大方。初諫全薑渡海。弗聽。大方與累世家士五十餘人。啜神水盟死。據富田土居寨以俟報。及十一月朔。敗軍繼至。士卒狼狽。道小林入道常永歸到。大方自問軍敗勝。慚悔。子長房不及期。將馳驅赴戰。衆俱諫止。二日夕。衆勸徙輿。令還若山城。途至花尾。自裁于輿中。從者五十三人皆殉焉。殘太平記全薑亡而後。義長與內藤隆世。杉重充等。嚴戒守備。二年。元就督師入周防。周人棄義長而咸歸之。義長遂去山口。而奔長府勝。

山。元就先鋒福原廣俊來逼。四月。隆世自殺。義長入谷內長福寺自殺。皇代紀事實錄大內系譜元就軍記私記大友與廢記○大內系圖萬代江鑑。逸有子。曰介丸。義長死時。小關某携而遁。不知所終。系圖晴賢生二子。曰長房。或作隆房字五郎次曰某。字小二郎。長房與大內義長陣于岩國永興寺。全薑亾于嚴島也。或聞毛利氏來襲。勢竭不能禦。其夜退入玖珂莊。元就前鋒吉見正賴率兵三千。進到桂野坂。杉隆則率其兵三百殿。而據居城鞍懸山。遣人陽乞降。乘其隙。募兵五百。要嶮防禦。元春。隆景。正賴四圍薄之。隆則傷而斃。城遂陷。殘太平記長房又

遣人請義長曰。冀假援兵伐元就。且聞杉。杉森等懷貳心。併誅夷之。義長違依弗果。長房恚。據若山城。先是杉重矩實錄作重長為全薑被殺。其子隆重。忠重欲伐全薑。報父讎。以勢微不果。弘治二年二月。隆重兄弟率兵二百餘。擬國人應援之勢。入若山城。而相喚殺伐。事發不意。城中騷亂。士卒潰走。長房遂鬪歿。弟某遁出入龍門寺自殺。多良系圖實錄陶系圖私記龍門寺古記冷泉隆豐。姓多多良氏。與大內氏同族。父興豐。國母氏。更稱冷泉。任民部少輔。隆豐自幼歷仕義興義隆。任左衛門尉。檢非違使。叙正五位下。嘗探知陶晴賢

有陰謀。窺其出仕。而將刺之。晴賢從者二百許人。持小挺預備焉。隆豐憤悶透骨髓。雙眼濺淚。晴賢恠問曰。卿今有何憂。流涕矣乎。對曰。頃聞卿告歸在府。不遑不能偃蓋。咫尺千里。遺憾無盡也。又與佐波興連天野隆景議。請夜擊晴賢。義隆弗聽。及賊兵起。從大寧寺防禦死戰。矢盡勢極。而後嚙小指。血書一切經表紙云。美與耶多都。久母裳計武李裳。那可曾良仁。左楚比之加勢濃。寸惠母能許羅數。自割腹臟臍。擲卻天井。剖喉而斃。而痕今猶存。時年三十九。有子孫。仕毛利氏。多良系圖私記陰德太平記武者物語

野史卷九十八終

野史卷九十八終

野史卷九十九

武臣列傳第七

山名時義

山名時義。姓源氏。鎮守府將軍義家曾孫義範。初稱山名冠者。任伊豆守。義範八世時氏。任左京權大夫。從足利尊氏暨義詮。樹軍功。補侍所別當。因伯二州作五郡守護。有多子。時義其五男也。長兄師義取爲猶子。立爲家嫡。山名系圖。武士家譜。所沙汰篇。任彈正少弼。遷右京

飯田忠彦修
男文彦訓點
竹中邦香校

權大夫兼伊豫守。系圖、武家譜、居但馬鷹野。南方記、傳嘗作堀磯、背幕府命。大將軍義滿兩征不及。時義疾病。記傳、明德元中七年五月卒。號圓通寺。系圖、武家譜、三子。曰時熙。曰氏幸。右馬助。曰時長。小二郎。系圖、時熙任右衛門佐。遷宮內少輔。系圖、武家譜、明德元年。時熙及氏幸驕侈。屢違幕府教令。義滿恚曰。時義暴慢。將糾其罪。幸而死。得免刑戮。而時熙不改父之志。氏幸亦援之。不可不懲。乃命征伐於氏清及滿幸。氏清於時熙爲伯父。滿幸爲從父弟也。於是氏清白曰。渠等被譴責。乃一族之弊也。台命亦不可辭。雖然彼等

若悔過謝罪。則請恩赦。如聽之。則臣馳入誠諭。應令參仕。如不可。則族滅焉。義滿不聽。氏清即發兵討時熙於但馬。使滿幸討氏幸於伯耆。餘黨在備後者。使細川常久督南海兵擊之。先是時熙與氏清伯姪不睦。氏幸在國。令滿幸代已近侍幕府。氏清以女妻滿幸。舅壻相昵。故氏清欲滅持熙併其封國。使滿幸得氏幸所領。而遇義滿怒。數構讒毀。以暴白其罪。遂及焉。足利家譜、國史畧、記傳、二年三月。氏清入但馬。時熙敗走。滿幸又克氏幸。氏幸走。家譜、記傳、實錄、後太平記、九月。時熙與氏幸間行入京師。潛居清水寺。密憑幕府侍臣。陳無罪。義

新史 卷九十九 三十二

卷之十九

滿憫之。家譜、實錄、記、傳、明德十一月。時熙氏幸獻誓書謝罪。

復其舊封。氏清怨憤。叛幕府。歸南廷。家譜、實錄、後太平記十二

月。氏清滿幸舉兵。遂反幕府。義滿帥師征伐之。時熙

氏幸從軍有功。家譜、實錄時熙入道號巨川居士。武家譜三

年正月。賜但馬于時熙。伯耆于氏幸。家譜、實錄、記、傳、後太平記以

永享七年七月卒。實錄法名爛真常照。系圖號大明寺。系圖

武家譜二子。持豐。次熙高。上總介。系圖

持豐。以應永十二年七月生。記、傳永享七年襲封為但

因伯三州守護。實錄任彈正少弼。為右衛門督。系圖、武家譜

嘉吉元年七月。與一族教清教之。為後門一道之將。

攻白幡城。九月。經大山口逼城。遂拔之。赤松滿祐伏

誅。家譜、記、實錄、後太平記頒賞封播磨國。赤松氏封悉屬山名

氏。豪富勢冠當時。實錄尋而薙髮。號宗全。實錄、武家譜三年。

管領畠山德本薦赤松則重。復興其家。未及有封國

之命。播人作亂。宗全恚起。軍於但馬。七月。擊赤松則

重於播州破之。實錄享德三年四月。畠山政長匿細川

勝元第。使從者潛宗全第。八月。宗全遣逋亡者。縱火

於德本第。德本暨畠山義就奔走。京師騷擾。山名教

之。細川勝元警衛幕府。宗全勝元不赴。十一月。大將

軍義政召兵而議軍事。以宗全違命。將顯戮之。京師

實錄

三十三

彌騷亂。勝元退居于東山。爲宗全懇謝。宗全又捧盟書。稱無異心。幕府解嚴。宗全去京師。還居于但馬。使子教豐在洛侍幕府。實錄家譜、記傳十一月。細川成之爲赤松則尙請復舊封。義政許諾。則尙入播州。記傳康正元年四月。宗全聞教祐則尙歸入于國。忿恨曰。我武功之國郡。爲賊被奪。豈復見哉。乃命子是豐率師二萬發但馬。五月入播磨。教祐則尙拒戰不克。則尙奔備前甲島自殺。教祐奔伊勢而自滅。播磨悉平。家譜、記傳、實錄後太宗全遇赦入京師。記傳於是宗全謂細川成之嘗與赤松氏親睦。請復其家。勝元不抑止。勝元亦欲奪

我封國矣。自是舅婚稍生嫌疑。實錄四年。頃間宗全聞畠山義就能戰。謂彼家確執。我所濫觴也。夫義就勇士也。我若與彼同心。天下不足圖矣。義就亦謂山名威權壓列將。故密通志。家譜六年十一月。義政夫人富子舉男子。竊遣侍女。足利家譜、送書謂宗全曰。將軍嘗約以國家託義視。今雖生兒。恐不食言。彼義視有昇龍之勢。勝元翼戴之。誰得攀其鱗哉。妾齡垂三十。始舉斯兒。不忍棄之於桑門。今卿祿重齒高。世敬憚無出其右者。故妾以兒附與卿。請垂憐愛。宗全意謂勝元者我女婿。彼與赤松親昵。其意必欲擯我矣。義視如

履職。則勝元必專權。不如擁兒以謀事矣。乃從命。夫人大喜。實錄家譜文正元年四月。宗全女婿澁川義廉。與同族義敏。爭斯波家督。相聚黨與於京師。京師騷擾。宗全亦使畠山義就入京師。以爲己之羽翼。依夫人而請義政得赦。令召義就。勝元嘗與畠山政長相善。故宗全使義就入京師。逐政長。以欲使勝元失其翼也。實錄南海治亂記九月。義就發河內。十一月入京師。宗全迎侍焉。家譜應仁元年正月。宗全獻碗飯。實錄適今出川第。擁義視。而到幕府。使義就護北門。一色義直警衛羅門。分部下衛東門。義廉及土岐成賴等。各以其兵

樹黨羣集。劫請殺勝元政長。不聆。猶怖勝元。援政長。襲皇居。而勸義政奉迎。主上。上皇於室町。戒嚴不懈。又請義視。令細川教春諭勝元。與政長絕交。勝元不得已而從命。義政下令嚴禁結黨。使義就與政長戰于御靈森。政長縱火於社壇而遁走。義就凱旋。當是時。宗全黨在京師者。二萬餘人。悉縱還鄉里。而宗全與義就恣權橫行。勝元間居。實錄家譜二月。勝元修壁浚隍。聚其黨。宗全亦招我黨。凡部屬所統。但播備前後伯因作石都八州。斯波義廉以越尾遠。義就以大和河內及熊野兵。畠山義統以能登。一色義直以

丹後及伊勢土佐。土岐成賴以美濃。六角高賴以近江。大內政弘以周長豐筑藝石六州。河野一族以伊與。吉良義藤。仁木教將等騎兵。總十一萬六千餘人。勝元所部十六萬一千五百餘人云。宗全與勝元爲舅壻。至僕隸亦各姻好相繫。至是磨矛衝盾。頻募黨類。相俱抗衡。

○國史實錄云。或云。初勝元無子。養宗全兒。而後舉男。以先所養之子投桑門。故宗全怒。遂與勝元相惡云。

四月。宗全與勝元相持未戰。京師騷擾。義視憂之。自

來往二人第和解。於是左右解嚴。諷兵。無幾戒嚴如故。五月。勝元令赤松政則侵畧播備二州。徇之。而歸京師。或遣諸將分徇州郡。義政下令曰。始戰者皆孤敵也。其意在使二人講和。勝元在東。宗全陳西。使一色義直率兵警衛幕府。二十四日。勝元發兵襲幕府。義直不戰而走。入西陣。勝元入幕府。請賜征旗。護衛四門。擯斥宗全。呼稱逆臣。家譜實錄後太二十三日。東西始接戰。家譜實錄明日。大戰于村雲。後太六月。勝元前鋒來攻太田垣陣。勝敗相伍。格鬪連戰。積屍成山。流血作河。勝元稍乘勝。宗全憤。招所部族類於八州。

家譜、備人。因人。伯人。但人三萬餘。應宗全募發兵。是月八日。與丹波守護代內藤繁則戰于夜久鄉。克之。而入西陣。後太平記、治亂記。八月。宗全與勝元或戰于東山。實錄、九月。宗全黨侵東營。縱火。西延大舍人寮。東室町。上限御靈辻。下到二條。文武大小館屋三萬餘宇。神祠佛剎爲灰燼。所存者禁闕及幕府。相國寺而已。上下狼狽。扶老携幼。逃走離散。家譜、實錄、後太平記。十月。勝元屯相國寺。宗全遣一兇僧。縱火於相國寺。烟燄飛揚。熾炎蔽空。義就。義統。政弘。義直。成賴。高賴等羣隊競進圍幕府。獲安富之綱首而旋兵。是日。所斬拾首級。

載車八軸。猶有餘棄。隍塹。義就等猶進。與赤松政則等戰于相國寺燒趾。實錄、京花集。二年。勝元宗全相持於洛內。徒黨各割據。其部隊無日不戰。鬪死傷者無算。東西阿黨亦各據守諸州。掠奪郡縣。屠戮人民。擊鬪諍睨。遂到天下大亂。十一月。義視在叡山。宗全聞而悅。遣人迎待之於斯波。義廉勘解由小路第。僭擬稱幕府。自首稱臣。阿黨護衛之。拜趨以號主將。文明元年正月。宗全率其黨謁義視。咸令獻劍馬以賀。正朔。三月十六日。勝元遣部下安富紀四郎等。宵襲宗全陣。令縱火。事發不意。陣中周章。火及厩。宗全雖老。躬

猶健強。自帶甲踊躍庭上。激勵士卒。揮刀拒擊。遂斬紀四等十數人。搏滅激火。殘兵離散。家譜、實錄、三年。東西益挑戰。諸國郡邑亦皆然。四年。畠山義統奉幕府命。背宗全。附勝元。東營大振。西陣頗蹙。宗全之徒。往往叛降。東者多。實錄、治五年三月。卒于陣中。歲七十。圖、家譜、實錄、治亂記、號遠碧院。實錄、宗全長高赤顏。人呼曰赤入道。實錄、有六子。長曰教豐。次曰是豐。彈正忠寬正三年四月。是豐率備後兵。攻畠山義就於金胎寺城。與義就七戰七勝。城兵戰疲而退。是豐乘機前曰。我是宗全之子也。不拔壁則不止。城中氣撓。義就奮激防。

殺。自把刀擊戰。是豐望見曰。嗚呼勇士哉。會日暮。互相退而保殺。皆嘆二人驍勇。實錄、家譜、應仁之變。屬勝元。二年九月。勝元聞備後兵起。援宗全。遣是豐伐之。會戰數回。文明元年十月。是豐自兵庫到山碕。構城於天王山。以窺西陣。宗全使畠山義就頓于西岡青龍寺。以當焉。實錄、次曰勝豐。左衛門佐。爲中務大輔熙貴養子。次曰政豐。治部少輔。次曰時豐。六郎。次曰豐久。圖、系教豐。爲彈正少弼。兼伊豫守。圖、系、在但馬。武家子政豐。叙從五位下。任右衛門尉。足利家譜、作後進從四位

下。右衛門督。歷名。土代。列相伴衆。家。長享元年秋。從大將軍義尚于江州。後。平記。子祐豐。或作。豐。後。豐。襲。因。但。二州守護。圖。叙從五位下。任右衛門督。土代。子豐定。豐定。子豐國。豐國稱大藏大輔。襲因幡守護。居鳥取城。入道號禪高。系圖。武家譜。元龜中。有臣武田豐前者逆謀。逐禪高。禪高奔丹後。是時尼子義久。臣山中幸盛。又漂流而在此。俱相交。共謀恢復。武家譜。天正二年正月。尼子勝久舉兵。拔鳥取城。禪高謀而得入城。而後懼毛利氏。絕勝久而通信於毛利氏。乞其援。攻鬼城。温故私記。八年六月。羽柴秀吉西征。一族熙貴勸禪高歸降。初不

可。秀吉帥師六萬。聞山名質子在鹿野城。急圍陷之。收禪高女及將士任子。轉師攻鳥取城。當是時。禪高及家臣森下出羽入道道與。中村春次等據守城壁。秀吉使人謂曰。若降舉一州封。不則悉磔殺所獲任子。大軍圍城。屠戮不遺。禪高畏怖。將出降。道與春次等因諫曰。先尼子氏之雄。我反覆殊甚。而毛利氏皆枉全之。今復背其恩。狗鼠將不食餘。任子奚足顧矣。禪高心愧。不得已辭使者。秀吉乃合圍。樹磔柱於城外。悉縛將士質。長槍擬之。以招城中。皆不從。秀吉怒。命殺之。極其慘酷。又縛禪高女。擬之三日。禪高哀憫。

乃造軍門而降。秀吉責其遲。割因幡二郡與之。盡收其將士采邑。遂徇國中。置任子於鹿野城。使龜井茲矩護之。而還師於播磨。禪高益媿。尋挈孥奔姬路。實錄、太閤記、私記、逸史、道與春次等皆怨。具狀報藝州。毛利輝元遣牛尾元貞、真鳥取城。鎮國中。相議攻磯邊。元貞傷而還。出雲。武家譜、私記、輝元使市川雅樂亟代之。道與春次等攻鹿野城。不克。茲矩携質子而退播磨。太閤記、私記、而後吉川經家代雅樂爲鳥取城主。九年六月。秀吉再入因州。登山巡視。鳥取城而曰。應築對城。試襲之。以見其寂寞。如得便則咸殲之耳。明日環圍攻之。壁

固而不屈。次日味爽。秀吉使加藤清正覘城。塹伏兵起擊之。清正揮刀破之。而秀吉築壘於秋里山。使杉原家次率兵一萬。斷鳥取與新城之間。其爲城也。壘之左右。高築土城。遠穿浚池。長列密垣。每五町營一役所。每所置衛士。日夜勵嚴。且架船於湊川。而作橋水中。嚴連杭妨入馬。泛艨艟數十艘。戒嚴。秀吉陣于摩尼帝釋山。織田氏援兵。及中村一氏。小寺孝高等。攀躋雁金山丸山。環列如竹葦。淺野長政備巨鑑於海濱。秀吉軍令密而寬。陣營聽命。恰如影隨形。木鐸鳴螺各應節。水陸嚴勵。以示兵威。城中倦疲。屢雖挑

殆撫至中
八字不可
解蓋有誤

戰。秀吉令嚴。不敢接戰。至七月。城中糧竭。上下皆饑。殆撫穢獲之落稻中屠牛馬嘗其肝。或死者相共食。十月。秀吉遣堀尾吉晴一柳直末。謂吉川經家曰。對陣累月。未決一戰。徒費日苦兵。無益矣。故今欲與吾子和輯。以解籠城之難。雖然。森下中村不忠。鹽冶周防守佐佐木三郎左衛門。奈佐日本助者。盜賊之翹楚。不可免。吾子如戮彼輩。以賜。則素懷達焉。然我與吾子共慰勞城中士女。悉送鄉里。亦不愉快矣乎。經家報曰。道與春次自秀吉看則不忠。於我看則棄質堅約。不食言者。爲僕則焚妻之長者也。於周防等亦

守信者也。曷迨尋舊惡。豈遽忍卻擊贖私主。某雖假爲城主。一荷將號。被嚴瞻于鳥取。則某咸荷城中后土薄之罪。以併負敵軍深長之憤。肆欲某一人自殺而代衆。冀使森下中村以下士女。全命而得赦。泉下素懷何以加焉。三人復命。秀吉又使謂曰。因但及雲伯。頃間雖處靜治。因道與春次非義。鹽冶等蟻同。再騷擾。叨需邪譽者。罪既決于殛。經家縱死以無益。請歇之。經家曰。假使某雖自盡。嚴刑不宥。道與春次以下。至若誅五人。則欲悉佐鳥取丸山之士卒之篤患。并抑下官自頸之義陳。欲心服怠情。豈淺淺哉。正今

用一殺多生之策。欲緩五士之自害。加某亦值殺五士。而曷忍全命。又共寓必死。請莫訝之。歷二三日。秀吉又寄使曰。軍將蒞難行成者。古今無違算。況今經家對大軍籠城。既超百日者。智壓韓彭。武精關張。孰克戡之。且兩陣收兵。忽拯兩城之衆命者。專依吾子武勇之長。何者容刀於其際哉。然今俾吾子與凶徒共傷害。則秀吉亦惹未練之說者必矣。尤厥圖之。使者再三。經家猶不肯。荐請檢監。秀吉不得已。歷四五日。亦使吉晴直末謂曰。頃日雖剛制吾子之自殺。尙不諾者。實是惜名愧聞之貞操。誰不濺感淚。素意已

任其望。卑懷豈快哉。余亦欲裁誓書。證救羣命之約。以使易吾子之前途。若出一使。則示手制之證。以寄之。乃經家遣野田左衛門。小野太郎左衛門。得秀吉之盟書而歸。二十四日。經家裁書寄秀吉。近臣淺野長政曰。明日我輩愈欲自殺。豈爲親戚士卒。不致終天之辭決哉。然城中果然無一物。冀受酒殺之資。以開永決之宴。長政以告。秀吉聞而憫之。即調酒十樽。殺五品飯。匱十箇。使長政委投返章。經家悅曰。今既降秀吉。不以臣禮不受。乃各更服拜受。而後與氏族家從大張醺曰。兼憶箇行。若出罾籠之難。則悉謝諸

士。今卻履斯大節者。併皆命也。今我輩之就死也。一則報信義於輝元。一則拯塗炭于一時。是忠與仁之二者。古人之要務。武之根帶也。凡死者人之常也。儂豈懼瞬餘之急緩。而舉觴。上下悲痛感泣。通夜娛飲。二十五日。經家乞檢監。秀吉令吉晴直末來監。經家憚致死於降城。與道與春次去城。到一寺院。同時縱聲自殺。武家譜、溫私記。秀吉以鳥取城。昇宮部繼潤。禪高漂浪。而後近侍秀吉。武家譜。以寬永三年十月卒。歲七十九。號東林院。系圖、武系譜。豐國夫人某氏。當時羣盜夜襲居第。豐國揮槍拒之。夫人潛身於門扉陰。拋衣纏

賊之劔戟。使不得搖動。豐國遂刺賊數人。餘黨皆走。明日獄吏捕盜繫獄。肆於市朝。於是夫人勇智顯于世。一日夫人喫餅。偶咽鳴。豐國戲謂曰。內好嗜餅乎。夫人報愧。終身不食。強健能制忍。人稱焉。本朝列女傳、古今人語、物。滿幸。左京權大夫時氏孫。師義四男也。師義襲伊勢丹後守護。任右京亮右衛門權佐。師義長子曰義幸。民部大輔。為侍所。次子曰氏幸。小字隱岐六郎。任右馬頭。與從弟時熙。背大將軍義滿。後遇赦。復伯耆守護。三子曰義熙。伊豆守。次乃滿幸。任播磨守。彈正少

弼。家譜、武元中元年。爲出雲丹波守護。圖、系七年三月。義滿使氏清滿幸。征伐時熙氏幸。先是兄氏幸稱疾在國。令滿幸代已侍幕府。氏清以女妻之。舅婿親睦。遂讒毀時熙氏幸。到斯有征討之事。實錄、滿幸進兵於伊州。討氏幸。家譜、實錄、八年三月。滿幸克氏幸於伯州。迺補伯耆。隱岐二州守護。與氏清併勢。威權頗張。滿幸逐卻上皇御領出雲國橫田莊官吏齋藤左衛門尉。掠奪其地。實錄、十一月。義滿怒。罷其出雲守護。逐京師。遷丹波。滿幸不往國而赴和泉。與氏清計議曰。去年卿及我稟命。伐時熙氏幸。今復宥渠等罪。不如破

讒口以明冤。不然則必有征伐之命矣。意爲滅我一族。速乘機。建旗於天下。以照耀我武矣。氏清應諾。以十二月二十七日爲期。幕府或聞氏清懷異心。竊命嚴戒。氏清聞之。欲寬其戒嚴。歎訴上告文再三。事遲引。滿幸去歸丹波。家譜、實錄、記傳、明、德、而密募兵講武。明、德、十二月。氏清發軍至八幡。義理陣于天王寺。滿幸率兵發丹波。二十六日。抵篠原。而軍議登嶺堂。晦。衆將入西京口。滿幸未到。皆失色。而屯于大將軍鳥居前。滿幸主臣五騎。昨宵入大江山。失路。馳到。聞義數。重長等皆死。奮激入內野。與畠山基國。細川常久

戰。基國割兵橫衝。滿幸力戰。佐佐木高詮望見。進造大宮。滿幸部下土屋黨百五十騎。與高詮戰。終敗走。於是土屋黨以下死者五百七十三人。義滿親帥騎三千餘。出于中御門大宮。下令曰。莫論東西。敵乘勝則進我旗旌。若遇氏清滿幸。則自戮之快意矣。斯時基國勢沮。義滿遙望見曰。孤親自戰之期也。乃分部屬進。親揮佩刀曰。誅戮逆臣。以懲不廷矣。諸部競擊。氏清戰死。士卒多斃。滿幸遂敗。走梅津。遁大江山。而遁伯耆。實錄、明德記、明滿幸臣末弘掃部入道圓淨諫滿幸。後太三年二月。所屬鹽冶駿河守據富田城待滿幸。平記

其父上鄉參河入道道清。嘗屬京極氏。請降。駿河送父出城入寺自殺。父問其故。有僧對曰。遺言云。據城則不孝。棄城則不忠。實錄、後太平記。十八日。滿幸入青野莊剃髮。系圖、記傳、後太平記、讀史餘論。而聞從弟氏家來襲。晦跡奔九州。實錄。應永二年二月。系圖、作八月。遂見誅。
○南方記傳載。於五條坊門高倉伏誅。○山名系圖。被殺于筑紫。俱未有所考。故姑缺其地。按後考。教之。右馬頭氏幸孫大膳大夫熙之子也。為相摸守。嘉吉元年。與同族持豐。攻白旗城拔之。二年正月。頒賞封備前國。系圖、家譜、記傳、實錄、齋藤親基日記。享德三年八月。與細



川勝久率兵警衛幕府。家譜應仁之變。黨宗全。家譜子豐之。宮內少輔。

義理時氏二男也。任修理大夫。系圖天授五年四月。補

紀伊守護。系圖元中八年十一月。弟氏清密謀反逆。

勸誘義理。義理抑止。氏清強請。遂同焉。實錄十二月。義

理發軍於紀州。陣于天王寺。義滿賜手書於義理曰。

親族謀逆。卿為一門之老。曷不教誡哉。對曰。陸奧播

磨逆罪既露。老夫無奈之何矣。而滿幸敗于內野。氏

清戰死。家譜九年正月。義理請赦義滿曰。嚮者以書

諭之。弗服罪。唯氏清莫敢聽。義理據城禦備。二月。大

內義弘率兵來攻大野城。實錄赤松義則亦來。與義弘

圍攻。實錄二十五日。後太平記義理與子氏親時

理棄藤代城。後太平記而走二十八日。削髮號宗弘。

氏親號常勝。時理號義清。率草山高山等六十三人。

俱奔伊勢。匿海濱。經紀州。而移舟于清水東浦。而繫

淡路由良。會暴風。潛興國寺。時歲五十六。家譜實錄

記讀史

○按明德記云。義理走由良。入興國寺。削髮子族

二十七人皆為僧。

有二男子。曰氏親。中務大輔。曰時理。五郎。氏親子教

清稱修理大夫。系圖嘉吉元年八月與諸將攻赤松滿
祐於白旗城。九月與一族持豐經大山口。自後門急
襲。遂陷城。家譜、實錄、傳二年賞功封美作國。家譜、實錄應仁之
亂。黨宗全。家譜法名淨勝。家譜、圖武子政清。任兵部少輔。
應仁之亂。達幕府旨。文明九年十一月遇赦。後居石
見國。家譜、圖武義理弟氏冬。
氏冬。時氏三男也。爲中務治部等大輔。因幡守護。系圖
武家譜明德二年冬。聞氏清等有反謀。去京師。奔入幡。
三年二月。乞降復舊封。家譜、傳子氏家。中務權大輔。氏
家子熙貴。中務大輔。系圖後改熙豐。右衛門佐。居出石

城。天正八年五月降於羽柴秀吉而家亡。太閤記
誠通。高祖父勝豐實持豐入道宗全子。中務大輔熙
豐養子。稱左衛門佐。居布施天神山城。號布施左衛
門。又豐治。兵庫助。系圖、陰德太平記誠通或作豐天文六年
八月。叙從五位下。任左馬助。歷名土代襲因幡守護。與同
族祐豐戰敗死。有二子。長某。字源七郎。繼父後。中毒
而死。次某。字彌二郎。永祿七年與武田高信戰歿。時
二十二歲云。陰德太平記
氏清。時氏四男也。任民部少輔。系圖、武家譜文中二年十
二月。大將軍義滿征伐九州。使氏清爲南軍壓備焉。

家譜、天授六年四月兼陸奥守。系、弘和二年春南軍舉旗。氏清稟幕府命。與義理發兵。攻楠正勝於赤坂城。又攻和田正武於土丸城。族氏賴戰死。氏清義理奮擊。遂拔土丸及藤代二城。獲楠氏族六人。其兵百四十人。南軍勢撓。僅保千劔破一城。氏清守土丸。義理守藤代城。紀人來屬者多。家譜、記傳、和漢合運、古證文、論功賜和泉守護。系、圖、元中五年八月復與正勝戰于平尾。破之。後太、平記、累功賜丹波美作。因幡。但馬等守護。系、圖、當是時。山名一族領國十一。故世俗呼謂之六分一殿。家、譜、七年。姪時熙。氏幸驕惰。違幕府命。義滿忿。使氏清暨滿

幸征討之。家譜、實錄、先是義滿征伐九州。族宗時義在。但馬拒命。義滿將伐之。會時義病卒。故今使氏清滿幸討其子時熙。氏幸於是氏清謂同族相戰。實是宗族衰頹之基也。武命不可辭。臨發望請曰。彼儕如悔過。歎請。則願赦其罪。臣亦教誨。具奉命令矣。義滿弗聽。讀史、餘論、三月發兵伐時熙於但馬。滿幸討氏幸於伯耆。家譜、實錄、八年三月遂擊平但馬。逐時熙。賜但馬守護職。滿幸亦逐氏幸。補伯耆隱岐守護。併前所領。勢威甚盛大。實錄、九月。氏清在界津。獻使者於幕府曰。頃聞宇治橋畔紅葉盛色。請枉駕逍遙一日。臣庶幾奉

行厨矣。義滿應諾。約以初冬十一日預為期。十月十日。氏清適淀。豫設明日俟駕之裝。滿幸馳驅到。耳語曰。明日之宴。將軍面諭岳丈。聽時熙氏幸等。然則何得沮辭哉。不如稱疾避焉。氏清起色曰。疇昔盟約。今日違異。是輕侮我等者也。勤勞何益之有。於是叛心初萌。十一日。義滿夙整警衛。適宇治。氏清使臣蓮池某謝曰。臣俄有風疾。不能拜趨。義滿意懷不平。面自若曰。會主不到。賓客何獨逍遙乎。乃起而還。都下囂然。氏清去歸和泉。家譜、實錄、記、明、德、記獻盟書告無異心。緩幕府警備。家譜、實錄、記、明、德、記十一月。滿幸密謂曰。今聞土岐富樫

之徒。密構怨於幕府。如今一搖旌旗。則渠等超衆煽起。遠近猶應者多矣。試先唱有怨武州。舉兵襲幕府。乘機以圖大事。猶運掌矣。氏清負武勇。不及遠謀。許諾。相期以季冬二十七日。乃謂曰。子其歸丹波。驅山陰兵。而會我于京師。滿幸乃別去。而氏清赴紀州。告謀於兄義理。義理不可而諫止。強而後可。氏清悅而歸和泉。決意獻使於吉野。乞降。即賜節旄。實錄、記、傳、明、德、記十二月。氏清發軍。到八幡。義理自紀州發陣于天王寺。滿幸又率騎兵數千。自丹波。實錄、永泰、院、法、帖義滿召諸將軍議。實錄氏清猶屯八幡。謂老臣小林重長。明、德、記、作、時、直




曰。我嘗尊崇當社。又造營加茂社。唯非敬神之深而已。左中將義貞奉綸旨。居重任。指麾列郡。我苟爲其支族。欲執國政。非無所由。往朝廷。賜錦御旗。今將揭之。汝爲執事。努力勿懈。重長泣然泣曰。先君持氏悔過。居職之後。將軍之厚於吾君。天下罕比。一家併領十一州。其餘所隸。不知幾邑。繁衍充府。遺斯洪大之恩。妄動干戈。抑是何義乎。八幡加茂皆君之所信敬也。恐斯舉非啻不稱神意。孤負人心矣。縱戰雖有利。曷保終吉。思之不能哭。且慟。兵已起。赤心不安。進退惟谷。唯期戰死。竢罪於泉壤耳。明德記家譜傳、諫諍錄

○足利家譜載。一族所領十一州。其他所部以萬計。繁衍無比。故僕從驕恣。屢致暴橫。世人歸罪於君。君失前轍而反。何戾之甚乎。氏清默默。

二十九日。氏清陣于淀。滿幸于谷堂。家譜傳、晦黎明。氏清前隊弟義數。高義。小林重長等。進到二條大宮。與太內義弘戰。重長率部下。與富永左近將監力戰死。之。義數與礪波彌之助。捨鬪而死。從者百餘人歿焉。實錄傳、滿幸馳從內野入。細川常久。畠山基國。佐佐木高詮與之戰。滿幸軍敗而走。家譜傳、氏清聞滿幸敗。率氏家等兵一千餘。亂入京師。到三條坊門發闕。義

弘及赤松義則山名時熙等逆戰。氏清奮擊利銳。乘機競戰。於是義滿親揮麾。使一色詮範。斯波義重爲前鋒。時熙最超。勳力戰。氏清勢沮。謂子時清滿氏曰。事已急。子等去如丹波。與義理併兵。當謀再舉矣。我亦會焉。乃令兄弟去。明德記。僅率五十騎死戰。義滿奮激進中軍。諸部環圍。從兵多斃。殘兵十七八人。與詮範相擊被創。倚鞍而姑息。詮範揮力斫氏清兜。傷眉上。血流入眼。墮馬將起。詮範子滿範。南方記傳作把高橋源太。把刀來刺。不得起。遂見誅。時歲四十八。或作四十九。氏族熙氏及山口彈正等死者八百七十九人。幕府將士死

者百六十四人。氏清子族部下逃走離散。實錄家譜記。鎌倉太平記。常法號曰宗鑑寺。系圖。武父時氏嘗樂記。後太平記。有言曰。我少住上野州山市邑。家貧食乏。稍及壯。在軍旅。嘗艱難。有今日之樂。悉是君之惠也。我兒輩生於安樂。未知貧窮。故不量其分。與君恩之宏大矣。是以恐我歿後有子孫。或圖不軌者矣。居常嚴誡子孫。至是人嘆。時氏前見不違。實錄餘論。子曰時清。左近衛大夫將監。軍敗遁走。跡次曰滿氏。民部少輔。與兄同遁走。應永六年十二月。黨大內義弘。與藤野源左衛門。高田某等起兵於丹波八田莊。佐佐木小原



等擊之。小原宮上野介。今川。奈古屋。川端三郎。勝間。

田遠江守等與滿氏戰死。又戰于八田莊。富永資良。

資貞亦與滿氏戰。家記傳。佃二郎左衛門為資良所折。

傳。次日熙氏。或作氏清猶子。字小二郎。系圖作宮內少輔。從

父戰死。時歲十六云。家譜。

○按南方記傳。國史實錄載。氏清有多子。四十餘

人。皆分散。唯熙氏死事。雖然諸書載三人而已。其

他名字無所考。故附以俟後考。

野史卷九十九終

